

Zeitschrift: Appenzellische Jahrbücher
Herausgeber: Appenzellische Gemeinnützige Gesellschaft
Band: 16 (1884)
Heft: 12

Artikel: Die Kriegsordnung aus alter Zeit
Autor: [s.n.]
DOI: <https://doi.org/10.5169/seals-259022>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 26.01.2026

ETH-Bibliothek Zürich, E-Periodica, <https://www.e-periodica.ch>

Eine Kriegsordnung aus alter Zeit. *)

Ordinantz, wie wir Vnns Haltenn söllend, wenn wir mit
Vnßerem Fändly Vnnd Paner frigenn soltend
wider vnßere Fyndt.

Der Hauptman sol Schweren deß Langs Appenzell Auß
Vnnd Ehr zu fürderern Vnnd Schadenn zu wendenn, vnnnd
das Volk so Im beuolichenn (befohlen) ist, nach sinem Ver-
mögen zu Verhüten Vnd zu Vergommen (bewahren), Vnd
darin sin Bestes Vermögen zu thun, trülich Vnnd ongsarlich.

Die Fänderich Vnnd Vor Fänderich söllend auch
schwerenn, deß Lang Lob Ehr Vnnd Auß zu fürderen Vnnd
schaden zu wendenn, deß Lang Paner Vnnd fändly, so Inen,
beuolchen Ist, trülich zu warten, nit dauon zu kommen, auch
die Inn strittenn, stürmen, Schlachtenn, offenbar zu halten
Vnnd Vffrecht, Vnnd sich darin nit trengen (drängen) Laßenn
biß in den todt, als Trülich Vnnd ongsarlich.

Item es soll Vff selbigen Zug Niemandt keinen Todt-
schlag Rechenn (rächen) noch äßeren, oder kein findtschaft
gegen denen, die In dißem Zug mit Vnß sind.

Item Es sol auch Niemandt spyllen noch karten. Es
werd Im dan Vom Hauptman Erlopt.

Es söllend alle schweren, dem Hauptman Vnnd anderen,
so Im Zug geordnet sind, ghorfam Vnnd gwartig zu sin,
Vff die Paner Vnd fändly zu wartenn, Vnnd nit Vß dem

*) Wörtlich dem Landbuch vom Jahr 1655 entnommen. Eine
andere Copie derselben „Ordinantz“ im gleichen Bande hat am Schluß
den lateinischen Vers: Soli Deo gloria — Et nemini praeterea etc.

Feld bekommen. Vnd die so In sonder, Zu dem fändly oder Paner geordnet sind, daß sy tag Vnd nacht darby blybenn Vnd nit deruon scheidend, sonder deren getrülich wartend vnd Verhüten söllend.

Zum anderen, so es Zu einem stritt oder fecht kommen wurde, daß meinelich by dem Paner Vnd fändly, Vnd in der ordnung blybenn Vnd sich daruon nit trengen Laßenn biß in den todt, sonder die sind zu schädigenn. Jetlichen nach sinem Vermögenn, auch nit Zu blünderen, biß daß feld behebt, Vnd die Rott eroberet wirt. Es sy mit stürmen, stritten oder Schaarmügel.

Zum dritenn kein Gotts Huß, kilchenn oder gwyehet (geweiht) stätt Vffbrechen Zu Brennen, noch nützet, daß darzu hört, Zu Verwüsten oder daruß Zu nemmen. Es wär dann sach, daß sind oder Ihr gutt darin funden wurdend.

Zum fiertenn, keinen Priester oder frowenbild zu schädigen noch zu schmachenn (schmähen). Es wäre dan, das einer Von Inen getrungen wurde.

Zum fünfften keinen deren fründen, weder an Lyb nach an gutt gröblichen zu schädigen.

Zum Sechßten, wer Vnß fälen (feilen) kauff Zu fürt, die fry und sicher Zu Laßen. Vnd Inenn mit gewalt nüt nemmen.

Zum Sybetenn. an keinem orth zu Brennen, biß es Vom Hauptman Erlopt wirt. Vnd waß für Hab Vnd gutt eroberet Vnd Ingnommen wirt, an gmeine Bütt(?) zu Leggen Vnd gebenn Vnd keiner Im selbs Zu haltenn, sonder In allen deß Lang Appenzell Lop nuß Vnd Ehr Zu fürderen Vnd schaden zu wendenn, getrülich Vnd ongsarlich.

Zum achtenn kein Blut noch frye gßellschaft Zu machenn, sonder dem Paner Vnd fändly ghorßam sin, Vnd wellicher auch Jemandt säche, der obbeschribenen stückenn eines oder mer brechen Vnd darwider thun, oder einer wurde gott Leßteren mit fluchen Vnd schweren, oder In ander weg wie

das wäre, der sölle das angäng by sinem gschwornen Eid an Zeigen. damit gutte ordnung möge erhalten, Vnd der onghorjamm nach sinem Verdienen gstrafft werden.

Item wenn Jemandts wäre, Unßeren Landtlüten ob Bierzechen Jaren Von ein Banner Vnd Hauptman Entrunen ist. derselbig ist Lyb Vnd gutt gänglich alles, was er hatt, Verfallen gmeinen Landtlüthenn an Ir gnad.

Es ist auch bsetzt, wann man sturmlüth oder ein gschray wurde, wer daß horte oder Vernöme Vnd nit grüßt Loffe Vnd Ilte dem gschray Banner Vnd Hauptman nach, auch nit sin best thäte ongsarlich. Vnd das kundtlichen wurde, der sol gstrafft werdenn an Ehr Vnd gutt.

So aber Sach wäre, das Jemandts Vmb söllliches Verzümbdet wurde Vnd geZigen, das Er dem sturm nit nach gehlt, der deße nit gychtig (geständig) wäre, Vnd begert sin Unschuld an tag Zebringen, wenn er dann Zwen Ehrlich man an Versprochen hat, die Jma by Jren Eiden Zügnuß gebend, das er glossen sy, Vnd sin best ongsarlich thun habe, sol er sin sach wol Verantwurt Vnd besetzt habenn.

Wenn aber wäre, das Jemandts Von krankheiten siner Lybs oder Von rechter Ehehaffter Brsach nit möchte nach Illenn (eilen), wann sich ein Rath darum erkendt, das es also siße, der hat auch genug thun.

Es ist auch bsetzt, wann der Hauptman, das Banner, Vnd die Landtlüt VßZogen sind, Vnd daß gutt gewunen wurde, wer der wäre. so Vor dem Banner, one deß Houtmans erloptnuß wider Intzuge, der ist den Landtlüthen Verfallenn, das er sol gstrafft werden an Ehr Vnd gutt. er ist auch Vmb sin Büttung (?) kommen. Vnd hat er auch Etwas gwunnen, das sol er wider gebenn, denen die dan ander Büttung habend.

Item, es ist auch bsetzt, als wir ein Federthäl Hauptlüt oder wachmeister Habend so die wacht besetzend. Vnd wer der ist, so mit Vff die wacht gadt, oder nit da blybt,

so Lang In der Hauptman gheissen, der sol auch an Eyb Vnnd gutt gstrafft werden.

So aber sach wäre (daruor Vnß gott allzit trülich Verhütenn wöll). das die sach Verwarlost wurde, Von denen so die wacht Zu halten beuolchenn wäre. Vnnd daruon schad Vff Erstunde, so mögend sy die Landtlüth darumb erkennen, wie dieselbigen gstrafft werdend an Eyb Vnnd gutt.

Item es ist auch an einer Landtsgmeind Vff Vnnd angnommen, wann einer Inn oder mit friegen Etwas Handlete, oder gehandelt hatt, daß wider deß Landts nutz, Lob Vnnd Ehr wäre. darumb dry Ehrbar man Eyd schweren mögennd, Vnnd Zügnuß geben, das es beschehenn sye. So sol dann der selbige Vom Rath Vnnd gricht. auch Niemandts Zu keinem Zügenn weder schad nach gutt sin, biß Im das ein Landtsgmeind wider nach Last.

